

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
CANTON SARAJEVO
Municipality of Ilijaš
MAYOR OF MUNICIPALITY

Služba za privredu i finansije

**INFORMACIJA
IZ OBLASTI ŠUMARSTVA**

Ilijaš, Maj 2020. godine

UVOD

Informacija o stanju u oblasti šumarstva na području općine Ilijaš je urađena na bazi podataka Ministarstva privrede Kantona Sarajevo – Uprave za šumarstvo i KJP "Sarajevo-šume" doo Sarajevo .

Zakonom o šumama Kantona Sarajevo ("Službene novine Kantona Sarajevo br: 5/13) je uređeno planiranje i privređivanje u šumarstvu, šume i šumsko zemljište sa posebnim režimom gospodarenja, zaštita šuma i njihova funkcija, upravljanje šumama, katastar šuma i ekonomske funkcije šuma. Korisnici šuma prema navedenom zakonu su Kantonalno javno preduzeće za gospodarenje državnim šumama "Sarajevo-šume", Kantonalna javna ustanova za zaštićena prirodna područja Kantona Sarajevo i pravna i fizička lica koja su upisana kao vlasnici šuma.

Funkciju upravljanja šumama, provođenje administrativno-upravnih poslova, kreiranje i provođenje jedinstvene šumarske politike u sastavu Ministarstva privrede Kantona Sarajevo obavlja Uprava za šumarstvo Kantona Sarajevo .

Državnim šumama i šumskim zemljištem na području Kantona Sarajevo upravlja Ministarstvo privrede Kantona Sarajevo. Ministarstvo privrede ugovorom prenosi poslove gospodarenja državnim šumama na KJP "Sarajevo-šume" izuzev šuma koje su posebnim propisom povjerene na upravljanje KJU za zaštićena područja. Privatnim šumama upravljaju i gospodare njihovi vlasnici u skladu sa Zakonom o šumama Kantona Sarajevo, podzakonskim propisima i odredbama šumsko-privredne osnove.

Korisnik državnih šuma je dužan plaćati naknadu za korištenje šuma u visini od 6 % od ostvarenog prihoda od drveta računajući cijenu drveta na panju i prihoda ostvarenog od nedrvenih šumskih proizvoda, najviše 10 % od cijene na panju posječenih šumskih drvnih sortimenata. Naknada se uplaćuje u iznosima: 1,0 % na depozitni račun Kantona Sarajevo i 5,0 % na depozitni račun Budžeta općine na čijem području se ostvario prihod tromjesečno i po završnom godišnjem računovodstvenom izvještaju.

Između općine Ilijaš i JKP "Sarajevo-šume" doo Sarajevo na snazi je Sporazum o načinu izmirenja duga po osnovu naknade za korištenje državnih šuma za I, II i III kvartal 2019. godine u ukupnom iznosu od 175.600,40 KM u jednakim mjesečnim ratama od po 29.266,73 KM. Prema utvrđenoj dinamici otplate, izmirene su obaveze za mjesec januar i februar , dok za mjesec mart i april nije ispoštovana dinamika utvrđena sporazumom.

1. Državne šume

Državnim šumama shodno zakonskim rješenjima gospodari Kantonalno privredno društvo KJP "Sarajevo-šume" doo Sarajevo.

Iz dostavljenih podataka Društva vidljivo je slijedeće:

- Eksploatisana količina drveta u m³
- Broj radne snage i plate uposlenika ,
- Ulaganje u šumsku infrastrukturu
- Finansijske obaveze za eksploatisane količine
- Ulaganje u lokalnu infrastrukturu
- Kratka vizija poslovanja za naredni period
- Problematika rada KJP "Sarajevo-šuma" u segmentima u kojima bi OV i Općinski načelnik mogli pomoći u narednom periodu.

2. Šume u privatnom vlasništvu

U skladu sa Zakonom o šumama u Kantonu Sarajevo (Sl. "Novine KS " br: 5/13) privatnim šumama upravljaju njihovi vlasnici, a Ministarstvo privrde Kantona Sarajevo putem Uprave za šumarstvo obavlja stručne poslove u pogledu gospodarenja šumama.

Obavljanje navedenih poslova na području općine Ilijaš je povjereno Odjeljenju Ilijaš, koje u skladu sa Zakonom vrši neposrednu zaštitu privatnih i državnih šuma i šumskog zemljišta od bespravnog prisvajanja i korištenja, šumskih požara i drugih elementarnih nepogoda, biljnih bolesti i štetočina kao i drugih protivzakonitih radnji.

U prilogu je dat Izvještaj o aktivnostima Uprave za šumarstvo Kantona Sarajevo na području općine Ilijaš i KJP "Sarajevo- šume" doo Sarajevo.



Općinski sud u Sarajevu,
Broj : 065-0-REg-19-005149 od 16.01.2020.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
	0103		1 od 3

Broj: 0103-945-2/20

Dana: 29.04.2020.godine.

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
-Općinsko vijeće-

Predmet: Informacija o aktivnostima KJP "Sarajevo-šume" na području opštine Ilijaš
– dostavlja se -

Na osnovu dopisa broj: 04/1-24-sl/20 od 07.04.2020. godine, dostavljamo Vam tražene podatke koji se odnose na aktivnosti KJP „Sarajevo-šume“ d.o.o. Sarajevo na području opštine Ilijaš.

S poštovanjem!

Direktor:

Joldo Amir, dipl. ecc.

Dostavljeno:

- Naslovu;
- Direktor;
- Službi plana i analize;
- Arhiva.



Tel: 00 387 33 219 172; Fax 00 387 33 219 172
Ul. Maršala Tita 7/II, 71000 Sarajevo
E-mail: info@sarajevo-sume.ba
Web: www.sarajevo-sume.ba



Oznaka odgovornog
šumarstva
FSC® C138491



Općinski sud u Sarajevu,
Broj : 065-0-REg-19-005149 od 16.01.2020.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Kantonalno javno preduzeće za gospodarenje državnim šumama
KJP "Sarajevo - šume" d.o.o. Sarajevo

Vrsta dok.	Izdavač	RB	Strana
	0103		2 od 3

1. Realizovana drvna masa

- U toku 2019.godine na nivou KJP "Sarajevo-šume"d.o.o. Sarajevo, planirana je proizvodnja i realizacija šumskih drvnih sortimenata u količini od 135.810 m³ neto mase drveta četinarara i liščara, i to 76.364 m³ četinarara i 59.446 m³ liščara;
- Na čitavom području kojim gospodare KJP "Sarajevo-šume" d.o.o. Sarajevo u protekloj godini realizovana količina šumskih drvnih sortimenata je iznosila 126.721 m³, od čega četinarara 75.712 m³ i liščara 51.009 m³ neto drvene mase;
- Na području opštine Ilijaš planirana je sječa 57.157 m³ neto drvnih sortimenata i to 48.213 m³ četinarara i 8.944 m³ liščara;
- Na području opštine Ilijaš u 2019. godini realizovano je 54.474 m³ neto drvnih drvnih sortimenata četinarara i liščara.

2. Broj radne snage i plate uposlenika

- Prosječan broj uposlenika u 2019. godini u preduzeću KJP "Sarajevo-šume" d.o.o. Sarajevo bio je 437 radnika, od toga 335 radnika na neodređeno radno vrijeme i 102 radnika na određeno radno vrijeme;
- Sa područja opštine Ilijaš u KJP "Sarajevo"d.o.o. Sarajevo je uposleno 150 radnika, 107 na neodređeno radno vrijeme i 43 na određeno radno vrijeme;
- Za 2019. godinu isplaćene su sve plate, odnosno dvanaest plata;
- Prosječna neto plata u 2019. godini je iznosila 928 KM;
- Redovno se uplaćuju doprinosi na plate.

3. Ulaganje u šumsku infrastrukturu

- Na području opštine Ilijaš u 2019. godini, vršeno je redovno održavanje puteva (ljetno i zimsko), sanacija i popravka puteva, te je za navedene radove utrošeno 62.607,29 KM. Na području opštine Ilijaš u 2019. godini iz sredstava OKFŠ-a započeti su projekti na sanaciji i rekonstrukciji šumskih kamionskih puteva, te je za navedene radove utrošeno 153.895 KM, a završetak se planira u 2020. godini.

4. Zakonsko izdvajanje za realizovanu drvenu masu u 2019. godini

- Na osnovu člana 49. Zakona o šumama Kantona Sarajevo, obaveza koja se odnosi na naknadu o korištenju šuma bio je planiran iznos od 254.755 KM, a na osnovu izvršenja u 2019. godini iznosi 227.327 KM. Do pisanja ove informacije obaveza po osnovu naknade za šume odnosi se samo na 2019. godinu, a ista će se izmirivati u 2020. godini po dinamici iz potpisanog Sporazuma sa opštinom Ilijaš.

5. Vizija poslovanja za naredni period

- U 2020. godini na nivou KJP "Sarajevo-šume"d.o.o. Sarajevo planirana je proizvodnja od 139.087 m³ neto mase drvnih sortimenata četinarara i liščara, od čega na četinare otpada 76.498 m³, a liščare 62.589 m³, što u krupnom drvetu iznosi 168.207 m³ krupne drvene mase i to 93.661 m³ četinarara i 74.546 m³ liščara;
- Planirani prihod od šumskih drvnih sortimenata u 2020. godini iznosi 14.402.103 KM;
- Na području opštine Ilijaš planirana je proizvodnja i realizacija u količini 52.938 m³ neto drvnih sortimenata, i to 45.688 m³ četinarara i 7.250 m³ liščara;



Tel: 00 387 33 219 172; Fax 00 387 33 219 172
Ul. Maršala Tita 7/II, 71000 Sarajevo
E-mail: info@sarajevo-sume.ba
Web: www.sarajevo-sume.ba



Oznaka odgovornog
šumarstva
FSC® C130491



Općinski sud u Sarajevu,
Broj : 065-0-REg-19-005149 od 16.01.2020.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Kantonalno javno preduzeće za gospodarenje državnim šumama
KJP "Sarajevo - šume" d.o.o. Sarajevo

Vrsta dok.	Izdavač	RB	Strana
	0103		3 od 3

- Planirana naknada za korištenje državnih šuma za opštinu Ilijaš očekuje se u 2020. godini u iznosu od 263.860 KM, a realizacija je direktno vezana za ostvareno izvršenje;
 - U 2020. godini za biološke investicije na ŠGP "Gornjebosansko", iz vlastitih sredstava planirano je 354.630 KM. Ovaj iznos je planiran za sljedeće radove: pošumljavanje sa pripremom, popunjavanje i čišćenje kultura i njega šuma.
 - Na ŠGP "Gornjebosansko", na području opštine Ilijaš, kontinuirano se obavljaju i poslovi vezani za zaštitu šuma, a za obavljanje istih planiran je iznos od 1.500 KM, za protivpožarnu zaštitu iznos od 7.500 KM, za izgradnju i održavanje šumskih komunikacija 400.000 KM, te za izgradnju i rekonstrukciju objekata planiran je iznos od 160.000 KM.
 - Na području opštine Ilijaš u 2019. godini iz sredstava OKFŠ-a planirani su šumsko-uzgojni radovi i izgradnja šumskih puteva, te su projekti za izvođenje izrađeni i dostavljeni Kantonalnoj upravi za šumarstvo.
- 6. Problematika rada KJP "Sarajevo-šume" d.o.o. Sarajevo u segmentima u kojima bi općinsko vijeće i općinski načelnik mogli pomoći u narednom periodu**
- U međusobnim odnosima KJP "Sarajevo-šume" i opština Ilijaš, trebaju nastaviti saradnju, te poštivajući zakonske propise rješavati eventualne probleme na obostrano zadovoljstvo. Zakonom o šumama Kantona Sarajevo u članu 3, stav 11 je precizno definisano da je KJP "Sarajevo-šume" d.o.o. Sarajevo korisnik šuma, tako da rješavanje nekih pitanja nije u nadležnosti KJP "Sarajevo-šuma", te da samo gospodare ovim prirodnim resursom, a o vlasničkim odnosima može da odlučuje samo vlasnik šuma;
 - Prilikom izrade Godišnjih planova realizacije šumsko-privredne osnove, potrebno je da nam opština, na zahtjev Kantonalne uprave za šumarstvo dostavi mišljenje u zakonskom roku, a imajući u vidu da se navedeni planovi izrađuju u skladu sa važećom šumsko-privrednom osnovom;
 - Kao Kantonalno javno preduzeće za gospodarenje ovim važnim prirodnim resursom želimo doprinijeti boljem kvalitetu života građana opštine Ilijaš. Oprijedljenost za gospodarenje šumama i šumskim zemljištem na održiv način se ogleda i u činjenici da posjedujemo međunarodno priznati FSC certifikat na čitavom području. Posjedovanje navedenog certifikata podrazumijeva ekološki odgovorno, društveno korisno i ekonomski održivo gospodarenje šumama i šumskim zemljištem;
 - Kroz zajedničke aktivnosti treba iznaći najbolje rješenje oko snabdijevanja lokalnog stanovništva ogrjevnim drvetom;
 - Navedena Informacija o aktivnostima Preduzeća KJP "Sarajevo-šume" d.o.o Sarajevo predstavlja samo obavijest o planiranim i provedenim aktivnostima na području vaše opštine u 2019. godini, obavještajnog je karaktera i ne zahtijeva izjašnjenje.



Tel: 00 387 33 219 172; Fax 00 387 33 219 172
Ul. Maršala Tita 7/II, 71000 Sarajevo
E-mail: info@sarajevo-sume.ba
Web: www.sarajevo-sume.ba



Oznaka odgovornog
šumarstva
FSC® C139401

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

Bosnia and Herzegovina
Federation of Bosnia and Herzegovina
CANTON SARAJEVO
Ministry of Economy

INFORMACIJA
O AKTIVNOSTIMA UPRAVE ZA ŠUMARSTVO KANTONA
SARAJEVO NA PODRUČJU OPĆINE ILIJAŠ
ZA 2019. GODINU

Sarajevo, april 2020. godine

1. Šumarska legislativa

Na području Kantona Sarajevo šume i šumsko zemljište zauzimaju površinu od 83.088,28 ha, od toga u privatnom vlasništvu 12.252,08 ha a u državnom 70.836,20 ha. Ukupna površina šuma i šumskog zemljišta na području opštine Ilijaš iznosi 16.249 ha, od čega je 12.026 ha u državnom vlasništvu, a 4.223 ha su šume u vlasništvu privatnih lica.

Uprava za šumarstvo Kantona Sarajevo obavlja poslove i radne zadatke u skladu sa Zakonom o šumama Kantona Sarajevo.

Prijedlog Zakona o šumama Kantona Sarajevo usvojen je na Skupština Kantona Sarajevo i objavljen je u "Službenim novinama Kantona Sarajevo" broj: 5/13 od 07.02.2013. godine.

Kako bi se spriječio bespravni promet ogrijevnog drveta, te lica koja se bave preradom istog stavila po nadzor donesen je Pravilnik o dopuni pravilnika o načinu žigosanja, obrojčavanja, premjeravanja, sadržaju i načinu izdavanja otpremnog iskaza za drvo. Naime, Pravilnikom je definisano da za djelimično prerađeno ogrijevno drvo namijenjeno za široku potrošnju cjepanjem na ogrijevno drvo u cjepanicama, oblicama, ćutucima i sitno cijepano drvo otpremni iskaz izdaje pravno ili registrovano fizičko lice koje je izvršilo preradu. Istim pravilnikom propisan je izgled i sadržaj obrasca otpremnog iskaza.

2. Organizacija Uprave

Usvojenim Pravilnikom o unutrašnjoj organizaciji Ministarstva privrede Kantona Sarajevo iz 2016. godine, Uprava za šumarstvo koja je u sastavu Ministarstva privrede u organizacijskom pogledu se sastoji od tri odjeljenja sa sistematizovana 62 radna mjesta. Jedno od odjeljenja je i odjeljenje Sjever, koje obuhvata područja općina Ilijaš, Vogošća, Centar i Stari Grad, sa planiranih 22 uposlenika (VSS-2; SSS-20). Trenutno je angažovano 19 (VSS-1; SSS-18). Na poslovima čuvanja i zaštite državnih šuma i šumskog zemljišta je planirano 16 namještenika. Trenutno poslove čuvanja i zaštite državnih šuma i šumskog zemljišta obavlja 15 čuvara šuma.

Potrebno je istaći da se poslovi gospodarenja u privatnim i državnim šumama provode na osnovu izrađenih šumskogospodarskih osnova (ŠGO). Za državne šume ŠGO "Gornjebosansko" i ŠGO "Bistričko" koje obuhvataju i područje općine Ilijaš, period važnosti je 01.01.2013. - 31.12.2022. godine za ŠGO "Gornjebosansko" i 01.01.2015. - 31.12.2024 za ŠGO "Bistričko". Kada su u pitanju ŠGO za privatne šume na području Kantona Sarajevo iste su izrađena sa periodom važnosti 01.01.2018. - 31.12.2027.godine i to u administrativnim granicama za pojedine općine.

3. Bespravne sječe i podnesene prijave

Najveći problem u provođenju mjera zaštiti šuma na području općine Ilijaš predstavljaju pojave bespravnih sječa, te bespravni transport šumskih drvnih sortimenata. Ovom problemu se najviše pridavao zanačaj, te u saradnji sa predstavnicima MUP-a provedene su mjere pojačane kontrole na lokalnim putnim pravcima, te izuzimanju drvne mase bez potrebne dokumentacije koja je u fazi transporta kontrolisana. Bespravni transport posjećene drvne

masa se obavljao putem raznih prevoznih sredstava počev od upotrebe osobnih automobila, traktora, kamiona te vozila posebno opremljenih za ove aktivnosti. Pripadnici MUP-a po članu 24. stav 6. Zakona o šumama Kantona Sarajevo mogu jedino vršiti privremeno oduzimanje sredstava kojima je izvršena nezakonita radnja. U većini slučajeva radi se o sredstvima koja su tehnički neispravna i neregistrovana, a lica koja vrše upravljanje navedenim sredstvima ne posjeduju vozačku dozvolu. Neophodno je istaći da se radi o licima koja su povratnici u činjenju navedenih radnji. Navedene bespravne aktivnosti (sječa i transport drvene mase) dešavaju se u poslijepodnevnim i noćnim satima, te u danima vikenda i praznika. Nisu rijetki slučajevi fizičkih napada na službena lica-čuvare šuma, kao i stalne verbalne prijetnje. Područja koja su najizraženija po obimu bespravnih sječa u odjeljenju za područje općine Ilijaš su lokaliteti: Visojevica i Ozren tj. pogranični dio sa entitetom RS i šire područje oko grada Ilijaša.

S tim u vezi, u cilju iznalaženja najboljeg rješenja i adekvatne zaštite šuma i šumskog zemljišta kao prirodnog resursa i dobra od općeg interesa, koja treba da uživa posebnu brigu i zaštitu Kantona Sarajevo i općina, aktom koji je upućen na Kolegij općinskog vijeća Ilijaš imalo se za cilj da se ukaže na aktuelnu problematiku. Sve sa ciljem zaštite prirodnog bogatstva, zatražena je pomoć koja je neophodna da se preduzmu mjere i radnje kojim bi se uključile sve relevantne institucije kako bi zajedničkim radom, a svako iz domena svoje nadležnosti, uticali na smanjenje obima bespravnih sječa.

3.1. Bespravne sječe

Ukupna evidentirana bespravna sječa u odjeljenju Sjever iznosi 3.064 m³ (četinara 1.640 m³ i lišćara 1.424 m³) od toga u državnim šumama 1.210 m³ (četinara 583 m³ i lišćara 627 m³), a u privatnim 1.854 m³ (četinara 1.057 m³ i 797 m³ lišćara) .

Ukupna evidentirana bespravna sječa na području općine Ilijaš za period januar-decembar 2019. godine iznosi 2.343 m³ od toga u državnim šumama 876 m³ (četinara 500 m³ i lišćara 376 m³), a u privatnim 1.467 m³ (četinara 970 m³ i lišćara 497 m³). **(Tabela br. 1)**

3.2. Podnesene prijave

U periodu 01.01-31.12.2019. godine u odjeljenju Sjever podneseno je 224 prijave u količini od 1.520 m³ i to 2 krivične u državnim šumama u količini od 19 m³ i 1 krivična u privatnim šumama u količini od 87 m³ i 221 prekršajna prijava u količini od 1.414 m³ (u privatnim šumama 106 prijava drvene mase 1.223 m³ i državnim šumama 115 prijava sa drvnom masom od 191 m³), te 6 prekršajnih prijava za uzurpaciju državne šume i šumskog zemljišta i deponovanje raznog otpada.

Na području općine Ilijaš ukupno je podnesena 121 prijava ukupne drvene mase 1.149 m³ i to 1 krivična prijava sa drvnom masom 5 m³ (u drzavnoj šumi), 1 krivična prijava sa drvnom masom 87 m³ (u privatnoj šumi) i 119 prekršajnih prijava drvene mase 1.057 m³ (državnim šumama 57 prijava drvene mase 97 m³ i u privatnim šumama 62 prijave sa drvnom masom 960 m³). **(Tabela br. 2)** Od ukupnog broja prekršajnih prijava (121 prijava), 95 prijava je sačinjeno za lica koja su uhvaćena na licu mjesta u sječini drvene mase 1.090 m³ (40 prijava u

državnim šumama drvene mase 61 m³ i 55 prijava u privatnim šumama drvene mase 1.029 m³) i 26 prijava u transportu drvene mase 60 m³ od kojih je 18 iz državnih, a 8 iz privatnih šuma.

Ukupna izuzeta i predata drvna masa KJP "Sarajevo-šumama" u odjeljenju Sjever iznosi 282 m³, a na području općine Ilijaš 212 m³.

4. Zahtjevi za sječu i doznačena drvna masa

U toku 2019. godine u odjeljenju Sjever ukupan broj podnesenih zahtjeva za sječu u privatnim šumama iznosio je 111. Ukupno su riješena 110 zahtjeva, od toga je odobrena sječa putem Rješenja za sječu 80 zahtjeva, za 3 zahtjeva izdato Rješenje o odbijanju, a 28 zahtjeva je Zaključkom obustavljen postupak. U 2020. godinu prenesen je 1 podneseni zahtjev za sječu u privatnim šumama. U odjeljenju Sjever doznačeno je 2.262 m³ drvene mase (četinara 1.696 m³ i 566 m³ lišćara), a otpremljeno 1.803 m³ (četinara 1.238 m³ i lišćara 565 m³)

Na području općine Ilijaš zaprimljeno je 86 zahtjeva za sječu u privatnim šumama, a koji su riješeni u toku 2019. godine. Od riješenih zahtjeva za 67 je izdato Rješenje za sječu, za 3 zahtjeva izdato Rješenje o odbijanju i 16 Zaključaka o obustavljanju postupka. U navedenom periodu na području općine Ilijaš izvršena je doznaka u količini od 1.789 m³ drvene mase (četinara 1.309 m³ i 480 m³ lišćara), a otpremljeno 1.525 m³ (četinara 987 m³ i 538 m³ lišćara).

5. Nelegalne rezne jedinice

Zajedničkom akcijom sa Federalnom šumarskom inspekcijom i uz asistenciju uposlenika PS Ilijaš nelegalne rezne jedinice su zapečaćene ili su iste uklonjene neposredne pred izlazak federalne inspekcije što je u značajnoj mjeri uticalo na smanjenje obima bespravnih sječa četinarskog drveta.

6. Realizacija projekata koje je finansiralo/sufinansiralo Ministarstvo privrede-Uprava za šumarstvo

U skladu sa "Programom utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2019. godini" i "Dopunom programa utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2019. godini" na području općine Ilijaš u toku je realizacija 29 projekata ukupne vrijednosti 1.676.318,14 KM.

Projekti po vrsti radova:

6.1. Pošumljavanje sa (ili bez) pripreme terena

- G.J. "Gornja Ljubina" odjel 58/# površine 1,2 ha u vrijednosti 5.037,35 KM.

6.2. Čišćenje i popunjavanje kultura

- "Gornja Ljubina"- odjel 1/b,e,f površine 1,47 ha, u vrijednosti 5.168,05 KM,

- "Gornja Ljubina"- odjel 5/f površine 3,00 ha, u vrijednosti 11.397,05 KM,

- "Donja Lepenica"- odjel 75/a,b površine 3,20 ha, u vrijednosti 19.812,12 KM,
- "Donja Stavnja"- odjel 4/a površine 6,00 ha, u vrijednosti 8.600,80 KM,
- "Donja Stavnja"- odjel 75/e površine 4,40 ha, u vrijednosti 12.284,11 KM.

6.3. Čišćenje kultura

- G.J."Donja Ljubina"- odjel 28/c površine 6,88 ha u vrijednosti 12.695,54 KM,
- G.J."Gornja Ljubina"- odjel 65/c površine 0,98 ha u vrijednosti 2.136,30 KM,
- G.J. "Donja Stupčanica"- odjel 99 površine 6,94 ha u vrijednosti 15.268,00 KM.

6.4. Sanacija pozarišta (čišćenje i popunjavanje opožarene površine)

- "Donja Lepenica""Gornja Misoča"- odjel 10/f površine 1,22 ha, u vrijednosti 5.518,87KM,
- "Gornja Ljubina" - odjel 94/a površine 9,30 ha, u vrijednosti 24.399,95 KM

Realizaciju navedenih radova je provodilo KJP "Sarajevo- šume"d.o.o. Sarajevo.

6.5. Sanacija, rekonstrukcija i rehabilitacija puteva

Projekti iz Programa za 2019. godinu:

- rekonstrukcija i sanacija puta Karaula - Povoča 4,0 km u vrijednosti 100.000,00KM,
- rekonstrukcija i sanacija šumskog kamionskog puta Tamni do - Vučija homora 3.0 km u vrijednosti 35.000,00 KM,
- rekonstrukcija i sanacija šumskog kamionskog puta Ljubina - Vidotina 3.0 km u vrijednosti 35.000,00 KM,
- rekonstrukcija i sanacija šumskog kamionskog puta Malinovica - Duševine 1.0 km u vrijednosti 15.000,00 KM,
- rekonstrukcija i sanacija šumskog kamionskog puta Tamni do - Rakita 1.5 km u vrijednosti 20.000,00 KM,
- rekonstrukcija i sanacija šumskog kamionskog puta Vukinjača - Doline 6.0 km u vrijednosti 71.000,00 KM,
- rekonstrukcija i sanacija šumskog kamionskog puta Sokolina - Visojevica 6.3 km u vrijednosti 58.000,00 KM,
- rekonstrukcija i sanacija šumskog kamionskog puta Bijambare - Orlja 6.0 km u vrijednosti 75.000,00 KM,
- rekonstrukcija i sanacija šumskog kamionskog puta Sudići - Kongorje - Podlipnik 5.2 km u vrijednosti 55.000,00 KM.

Projekti iz Dopune Programa za 2019. godinu:

- rehabilitacija puta Korita II faza u vrijednosti 100.000,00 KM,
- rehabilitacija puta Vrutci u vrijednosti 80.000,00 KM,
- rehabilitacija puta Vladajevići u vrijednosti 70.000,00 KM,
- rehabilitacija puta Dragoradi – Spomen obilježje IV faza u vrijednosti 60.000,00 KM,
- sanacija makadamskog puta Meljine u vrijednosti 30.000,00 KM i
- rehabilitacija puta Ravne – Šišići u vrijednosti 30.000,00 KM.

Sveukupno rekonstrukcija, sanacija i rehabilitacija puteva na području Općine Ilijaš 834.000,00 KM.

Obzirom da je Program utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2019. godini usvojen kasno (Zaključak Vlade Kantona Sarajevo broj: 02-05-31141-32/19 od 22.08.2019. godine) te su ugovori za projekte potpisani u novembru 2019. godine nakon postupka javnog poziva, do kraja 2019. godine nije realizovan nijedan projekat iz Programa, odnosno realizacija projekata će uslijediti u 2020. godini. Za sve projekte su potpisani ugovori sa rokom realizacije zaključno sa 30.06.2020. godine.

6.5. Projekti koji su predviđeni za realizaciju u 2018. godini, a realizovani su u 2019. godini :

Na području općine Ilijaš izvršena je sanacija i rekonstrukciju lokalnih šumskih puteva u iznosu od 720.000,00 KM i to slijedećih putnih komunikacija:

- asfaltiranje šumskog puta za naselje Korita - I faza u iznosu od 275.000,00 KM.
- asfaltiranje šumskog puta Gornja Misoča - Zenik I faza u iznosu od 275.000,00 KM.
- nastavak sanacije i rekonstrukcije šumskog puta Gajevi- Dragoradi u iznosu od 170.000,00 KM.

Plaćanje je izvršeno po privremenim i konačnim situacijama ovjerenim od strane nadzornog organa.

7. Zaključak

Obim bespravnih sječa na području općine Ilijaš je značajan kada je u pitanju količina bespravnih sječa na teritoriji Kantona Sarajevo u posljednjih nekoliko godina.

Kada je u pitanju trenutna situacija u radu odjeljenja Sjever Uprave za šumarstvo Kantona Sarajevo, osim permanentne problematike, aktuelne su u prvom redu bespravne sječe četinara u noćnim satima u pograničnom dijelu sa entitetom RS kao i sječa lišćara oko Ilijaša, a posebno uz kanjon rijeke Misoče koja je vodozaštitna zona. Osim bespravnih sječa uz kanjon rijeke Misoče je izražen problem odlaganja raznog otpada i formiranje divljih deponija, zatim odlaganje uginulih životinja kao i paljenje automobilskih guma.

Uvažavajući navedeno svi segmenti društva moraju poduzeti aktivnije učešće u zaštiti šumskih ekosistema na području općine Ilijaš i Kantona Sarajevo. Samo koordinirana aktivnostima svih nadležnih institucija, shodno svojim ovlaštenjima, možemo postići značajne rezultate na smanjenju i ukidanju svih bespravnih radnji u oblasti šumarstva. Kao dobar primjer sinergije u radu i efikasne koordinacije potrebno je istaći uporan angažman svih nadležnih institucija na suzbijanju nelegalnih reznih jedinica na području općine Ilijaš. U skladu sa svojim nadležnostima i u duhu dobre međusobne saradnje svih nadležnih

komponenti društva mogu se postići odgovarajući rezultati na suzbijanju svih bespravnih aktivnosti u šumarstvu.

Prilozi: Tabele broj: 1,2,3.

Evidentirane bespravne sječe na području općine Ilijaš u periodu 01.01-31.12.2019. godine

Tabela br. 1

	Evidentirane bespravne sječe		
	Četinari m ³	Lišćari m ³	Ukupno m ³
Državne	500	376	876
Privatne	970	497	1.467
Ukupno	1.470	873	2.343

Pregled prijava na području općine Ilijaš u periodu 01.01-31.12.2019. godine

Tabela br. 2

	Krivične		Prekršajne		Ukupno		Ukupno izuzeta drvena masa
	broj	m ³	broj	m ³	broj	m ³	m ³
Državne	1	5,00	57	97,00	58	102,00	
Privatne	1	87,00	62	960,00	63	1.047,00	
Ukupno	2	92,00	119	1.057,00	121	1.149	212,00

Pregled projekata iz "Programa utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2019. godini" i "Dopune programa utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2019. godini" na području općine Ilijaš

Tabela br. 3

Vrsta radova	Broj projekata	Površina ha	Dužina km	Vrijednost KM
<u>Šumsko-uzgojni radovi</u>				
1. Pošumljavanje sa pripremom terena	1	1,20		5.037,35
2. Čišćenje i popunjavanje kultura	5	18,07		57.262,13
3. Čišćenje kultura	3	14,80		30.099,84
4. Sanacija požarišta (čišćenje i popunjavanje opožarene površine)	2	10,52		29.918,82
Ukupno	11	44,59		122.318,14
Rekonstrukcija, sanacija i asfaltiranje puteva (projekti iz 2018.god.)	3			720.000,00
Rekonstrukcija, sanacija i rehabilitacija puteva (projekti iz 2019.god.)	15			834.000,00
Ukupno	18			1.554.000,00
SVEUKUPNO	29	44,59		1.676.318,14

Napomena: Obzirom da projekti nisu okončani u 2019. godini realizacija se predviđa u 2020. godini.